



CENTRI CIVILNIH INICIJATIVA
ЦЕНТРИ ЦИВИЛНИХ ИНИЦИЈАТИВА

MONITORING RADA

SKUPŠTINE SREDNJOBOSANSKOG KANTONA
ZA PERIOD 01.01. - 31.12.2007. GODINE

Februar 2008. godine

UVOD

Godišnji izvještaj CCI-a predstavlja rezultate monitoringa rada Skupštine Srednjobosanskog kantona tokom 2007. godine, a kao i prethodni fokusiran je na odgovornost Skupštine Srednjobosanskog kantona prema javnosti SBK-a (BiH), akcentirano na zahtjeve iz Građanske platforme, koje je, u predizbornom periodu, svojim potpisima podržalo preko 500.000 građana iz svih dijelova BiH, i broj mjera koje predstavnici vlasti iniciraju ili donose, a koji su u skladu sa Građanskom platformom. Prethodnim izvještajima započeli smo sa ocjenjivanjem rada zakonodavne vlasti u više segmenata, naročito u programiranju aktivnosti tokom 2007. godine, a kako smo analizom uvidjeli mnogobrojne propuste kreirali smo i uputili preporuke čiju realizaciju također pratimo.

SAŽETAK IZVJEŠTAJA

Rad Skupštine SBK-a u 2007. godini, na čelu sa predsjedavajućim Mirkom Batinićem, zbog nestabilne parlamentarne većine i veoma niske efikasnosti, možemo ocjeniti kao katastrofalan, odnosno, niti u bilo kom segmentu, ne može dobiti zadovoljavajuću ocjenu.

Od dana konstituisanja do 31.12.2007. godine, Skupština SBK-a je održala 7 sjednica (uz 2 prekinute), na kojima se razmatralo i raspravljalo o 37 tačaka dnevnog reda, a to znači da je Skupština Srednjobosanskog kantona, u prosjeku, zasjedala u dva mjeseca jednom i raspravljala o nešto više od 5 tačaka po sjednici. Među razmatranim i usvojenim tačkama u proteklom periodu je 2 prijedloga zakona, kao i 2 zakona u formi nacрта, a također rebalans Budžeta za 2007. godinu i Nacrt budžeta za 2008. godinu.

Skupština SBK-a, iako je imala pripremljen Program rada za 2007. godinu, nikad ga zvanično nije i usvojila, što je jako negativna činjenica ako imamo u vidu na vrijeme konstituisanu zakonodavnu vlast SBK-a.

Neslaganja unutar vladajuće koalicije i pretvaranje irelevantnih tačaka dnevnog reda u pitanja važna za nacionalne interese, obilježila su rad Skupštine SBK-a u 2007. godini, a posljedice mogu biti blokada rada svih kantonalnih institucija vlasti. Da bi se spriječila opstrukcija i blokade rada vlasti, zbog nemogućnosti formiranja funkcionalnih parlamentarnih većina, potrebno je u Izborni zakon uvesti institut vanrednih izbora.

Skupština SBK-a mora, radi povećanja odgovornosti i efektivnosti u radu, ali i poslovničke obaveze, u što skorijem roku donijeti Program rada za 2008. godinu.

Rad Skupštine SBK-a je prilično otvoren prema javnosti, iako su uvijeti za prisustvo posmatrača sjednicama veoma ograničeni zbog neodgovarajućeg prostora za održavanje sjednica. Dodajmo i to da su Stručna služba Skupštine i drugo osoblje redovno pružali tražene informacije i dokumente prema CCI.

PODSJEĆANJE

Nakon 15 mjeseci od posljednjih izbora, kojima je na političku scenu stupila nova „postava“ vlasti, rezultati ostvareni do sad na skoro svim nivoima su katastrofalni, a proces reformi i približavanja EU je zaustavljen zbog različitih političkih stavova u vladajućoj koaliciji, a šta je s obzirom na stanje u zemlji i ozbiljnost zadataka koje stoje pred njom, izraz neodgovornosti i nesposobnosti.

Skupština Srednjobosanskog kantona, na čelu sa predsjedavajućim Mirkom Batinićem, konstituisana je 16.11.2006. godine, 47 dana nakon Općih izbora.

Do kraja 2006. godine održala je 3 redovne sjednice, a u toku cijele 2007. godine samo je 1 redovnu (V) i 3 vanredne sjednice uspješno završila, dok su dvije prekinute redovne (IV i VI) sjednice ostale nezavršene.

Budžet i Zakon o izvršenju Budžeta SBK-a za 2007. godinu je usvojen u zakonskom roku, na 3. sjednici Skupštine SBK-a održanoj 28.12.2006. godine, dok je Budžet i Zakon o izvršenju Budžeta SBK-a za 2008. godinu usvojen s manjim zakašnjenjem na 7. sjednici, 17. januara 2008. godine.

Tokom 2007. godine, od važnijih dokumenata za rad vlasti, Skupština SBK je usvojila samo budžetske akte SBK-a, dok ostali (program rada Skupštine SBK za 2007. godinu, mnogobrojni zakoni, programi i planovi kantonalnih institucija, izvještaji o radu, itd...) nisu ni razmatrani, što dovoljno govori o efikasnosti i efektivnosti njenog rada.

Skupštinu Srednjobosanskog kantona čini 30 poslanika, a u 5. saziv izabrani su predstavnici sedam stranaka/koalicija: SDA - 8, SBiH - 7, HDZ BiH - 6, SDP - 3, Hrvatsko zajedništvo (HDZ 1990) - 3, Koalicija za jednakopravnost (HSP-NHI) - 2 i Narodna stranka radom za boljitak - 1. Ako promatramo nacionalni sastav Skupštinu čini 18 Bošnjaka, 11 Hrvata i 1 Srbin.

Na 3. vanrednoj sjednici Skupštine SBK-a održanoj 10.07.2007. godine, 283 dana nakon izbora, imenovana je Vlada SBK-a na čelu sa novim/starim premijerom Salkom Selmanom.

Dana, 09.05.2007. godine zakazana je IV sjednica koja je prekinuta bez usvojenog dnevnog reda. Iako je dnevni red usaglašen na Kolegiju, poslanici se nisu mogli dogovoriti oko postupka usvajanja pojedinih važnih zakona (na toj sjednici se trebalo raspravljati o ukupno 7 zakona), da li ići redovnom procedurom (to su tražili predstavnici Kluba Hrvata) ili po skraćenom postupku, kako je predviđeno dnevnim redom.

Sigurno jedan od uzroka neodržavanja sjednica Skupštine se nalazi u činjenici da do uspostave izvršne vlasti Kantona – Vlade SBK-a, nije došlo sve do 10. jula 2007. godine, jer stranke koje participiraju u Skupštini nisu mogle dogovoriti raspodjelu ministarskih mjesta, iako je ime mandataru bilo duži period poznato (Salko Selman – SDA).

Centri civilnih inicijativa su održavali kontakte sa sekretarom i predsjedavajućim Skupštine, s ciljem dobijanja informacija i pritiska da se ovakvo stanje promjeni, ali je poražavajuća činjenica da osim medija, CCI-a i manjeg broja pojedinaca, nije bilo građanskih protesta i peticija ili manifesta opšteg

nezadovoljstva od strane NVO-a, sindikata i interesnih grupa. Nakon konstituisanja Vlade, pojavili su se novi problemi unutar Kolegija Skupštine, koji se nije mogao dogovoriti o dnevnom redu naredne sjednice i ta blokada je trajala do novembra 2007. godine.

Osnovni razlog za opstrukciju rada je bio u prijedlogu donošenja Zakona o dopunskim pravima boraca, odnosno neslaganja oko novog uređenja Kantonalne uprave za pitanje boraca i RVI.

Generalno, kako je Vlada usvojila samo budžetske dokumente (Nacrt budžeta za 2008. godinu, Rebalans budžeta za 2007. godinu), te još samo par značajnih akata, ali nijedan zakon ili dopunu zakona osim budžetskih, rad Skupštine u segmentu donošenja normativno-pravnih akata ne može biti efikasan i odgovoran.

Bez obzira na neodržavanje sjednica, svi poslanici redovito primaju plaće i paušal!

OSNOVNE INFORMACIJE O RADU SKUPŠTINE SBK I USKLAĐENOSTI DONESENIH MJERA SA ZAHTJEVIMA IZ GRAĐANSKE PLATFORME – NALAZI CCI ANALIZA

Skupština Srednjobosanskog kantona u 2007. godini je održala samo jednu redovnu (V) i 3 vanredne sjednice, a ostale su nezavršene dvije prekinute redovne sjednice, s tim da na IV nije usvojen dnevni red, a na VI je prekid bio nakon 3. tačke dnevnog reda.

Za ocjenu odgovornosti Skupštine prema zahtjevima iz Građanske platforme u razmatranje smo uzeli sve tačke o kojima je Skupština raspravljala na pomenute 4 sjednice.


U protekloj godini Skupština Srednjobosanskog kantona na 4 održane sjednice je razmatrala i raspravljala o 24 tačke dnevnog reda, od čega su usvojena 2 prijedloga zakona i 2 u formi nacrt, 14 odluka, 3 izvještaja, 1 program, kao i Rebalans budžeta SBK za 2007. godinu i Nacrt budžeta SBK za 2008. godinu.

UČINAK SKUPŠTINE SBK TOKOM 2007. GODINE	
Naziv mjere (akta)	Broj
Prijedlog zakona	2
Nacrt zakona	2
Odluka	14
Izvještaj	3
Program	1
Nacrt budžeta za 2008. godinu	1
Rebalans Budžeta za 2007. godinu	1
Strategija	0
Akcioni plan	0
Uredba	0
Informacija	0
Sporazum	0
Pravilnik	0
UKUPNO	24

Praksa, da se dosta vremena troši prilikom usvajanja dnevnog reda je uobičajena, za šta odgovornost snosi Kolegiji i predsjedavajući, dok pauze za konsultacije klubova naroda i stranaka nisu toliko česte, ali se nepoštuje predviđeno vrijeme za njih.

Dodajmo i to da su stalne primjedbe poslanika na kvalitet (nepotpunost) odgovora na poslanička pitanja, kao i na vrijeme potrebno za njihovo dostavljanje, a sa druge strane određeni poslanici troše i previše vremena na obrazlaganja pitanja.

Skupština SBK-a mora početi pravdati svrhu svog postojanja, funkcionisati u skladu sa Poslovnikom i zakonima, a pri tome imati više razumijevanja prema zahtjevima 500.000 građana Bosne i Hercegovine, koji su kroz Građansku platformu zatražili mnogo energičnije djelovanje po pitanjima rješavanja najprioritetnijih problema građana ove zemlje. Od 24 tačke dnevnog reda, koju je Skupština razmatrala na sjednicama u pomenutom periodu, 13 (54%) ima određene veze sa zahtjevima iz Građanske platforme. Dakle, 46% mjera (akata) koje je Skupština razmatrala nije imalo nikakve veze sa zahtjevima iz Građanske platforme.



Samo 17% tačaka koje je usvojila Skupština SBK ima suštinsku vezu sa zahtjevima iz GP

Od akata koje je Skupština razmatrala i usvojila, a koji se izdvajaju po značaju za realizaciju zahtjeva iz Građanske platforme, izdvojili bi sljedeće:


- Zakon o izmjenama Zakona o porezima SBK-a,
- Nacrt Zakona o izmjenama i dopunama Zakona o kantonalnim ministarstvima i drugim tijelima kantonalne uprave SBK,
- Zakon o dopunama Zakona o izvršenju Budžeta SBK za 2007. godinu,
- Nacrt Budžeta SBK za 2008. godinu,

U nastavku su prikazani zakoni, među kojima su i određeni koje su mogli značajno doprinijeti realizaciji zahtjeva iz Građanske platforme, a govorimo o zakonima koji se nalaze u Prijedlogu programa rada¹ Skupštine SBK, a nisu doneseni.

RB	NAZIV ZAKONA	VEZA SA GP
1.	Nacrt Zakona o unutrašnjim poslovima SBK-a	NE
2.	Zakon o izmjenama i dopunama Zakona o kantonalnim ministarstvima i drugim tijelima kantonalne uprave SBK-a	DA
3.	Zakon o izmjenama i dopunama Zakona o javnom pravobranilaštvu	NE
4.	Zakon o stavljanju izvan snage Zakona o broju sudaca i sudaca porotnika Kantonalnog suda i općinskih sudova SBK-a	NE
5.	Zakon o izmjenama i dopunama Zakona o sudovima	NE
6.	Zakon o stavljanju izvan snage Zakona o kantonalnoj upravi SBK-a	DA

¹ Riječ je o pripremljenom Programu rada Skupštine za 2007. godinu koji nikada zvanično nije potvrđen.

7.	Zakon o izmjenama i dopunama Zakona o službenim novinama SBK-a	NE
8.	Zakon o prestanku važenja Zakona o radnim odnosima i plaćama službenika u tijelima uprave SBK-a	DA
9.	Zakon o izmjenama i dopunama Zakona o upotrebi grba i zastave SBK-a	NE
10.	Zakon o izmjenama i dopunama Zakona o lokalnoj samoupravi	DA
11.	Zakon o izmjenama i dopunama Zakona o plaćama i naknadama zvaničnika izvršnih tijela vlasti u SBK-a i službenika koje imenuje odnosno postavlja Vlada SBK-a	DA
12.	Zakon o izmjenama i dopunama Zakona o kantonalnim administrativnim taksama	NE
13.	Zakon o izmjenama i dopunama Zakona o sudskim taksama	NE
14.	Zakon o pripadnosti javnih prihoda u SBK-u i finansiranju SBK-a	DA
15.	Zakon o finansiranju samostalnih poslanika u Skupštini SBK-a	DA
16.	Zakon o izvršavanju Budžeta SBK-a za 2008. godinu	DA
17.	Zakon o izmjenama i dopunama Zakona o rudarstva	NE
18.	Zakon o proglašenju područja posebno značajnog za SBK-a	DA
19.	Zakon o osnivanju fonda za zaštitu okoline	NE
20.	Zakon o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom	DA
21.	Zakon o kantonalnoj bolnici	DA
22.	Zakon o dopuni Zakona o osnovnom školstvu	DA
23.	Zakon o dopuni Zakona o srednjem školstvu	DA
24.	Zakon o visokom obrazovanju	DA
25.	Zakon o muzejskoj djelatnosti	NE
26.	Zakon o zaštiti kulturne baštine	NE
27.	Zakon o dopunskim pravima boraca	DA
28.	Zakon o izmjenama i dopunama Zakona o šumama	NE
29.	Zakon o izmjenama i dopunama Zakona o vodama	NE



Od zakona koji se nalaze u neusvojenom programu rada Skupštine SBK, realizovani su samo Zakon o izmjenama i dopunama Zakona o kantonalnim ministarstvima i drugim tijelima kantonalne uprave SBK-a i Nacrt zakona o izvršavanju Budžeta SBK-a za 2008. godinu.

SKUPŠTINA SREDNJOBOSANSKI KANTONA

U nastavku je prikazano ukupno trajanje sjednica Skupštine Srednjobosanskog kantona, te broj tačaka po sjednicama

SJEDNICE SKUPŠTINE SBK		PARAMETRI					
		Datum održavanja	Vrijeme početka sjednice	Vrijeme završetka sjednice	Ukupno trajanje sjednice	Odsutni	Broj tačaka na dnevnom redu
1.	I KONSTITUIRAJUĆA	16.11.'06	15:00				3
2.	II	15.12.'06	10:00				3
3.	III (Budžet 2007)	28.12.'06	10:00				7
4.	IV	09.05.'07	10:20 (10:00)	11:30 (Prekid bez usvojenog dnevnog reda)	01:10	2	9
5.	V	22.11.'07	10:00			2	12
6.	VI	12.12.'07	10:15 (10:00)	15:00 (Prekid)	04:45	1	10 (Prekid nakon 3. tačke)
7.	VII (Budžet 2008)	17.01.'08	10:15 (10:00)	17:05	06:50	1	9

VANREDNE							
1.	I	18.05.'07	14:00			1	1 (3)
2.	II	21.06.'07	14:00			1	3
3.	III (Vlada SBK)	10.07.'07	10:20 (10:00)	11:30	01:10	2	3

ODGOVORNOST POSLANIKA PREMA SKUPŠTINI SREDNJOBOSANSKOG KANTONA

U 2007. godini je održana samo jedna redovna, dvije su prekinute, i tri vanredne sjednice Skupštine SBK. Sjednicama Skupštine SBK-a redovno prisustvuju skoro svi poslanici, a kod izostanaka poslanika zbog manjeg broja održanih sjednica nema onih koji se ističu.

Status poslanika u Skupštini SBK-a

Rb	Poslanik	Stranka	Radni status
1.	POPARIĆ REFIK dopredsjedavajući	SDA	Profesionalac u Skupštini SBK
2.	CRNICA HALIMA	SDA	Neprofesionalac u Skupštini SBK
3.	HOZAN EDIN	SDA	Profesionalac u Skupštini SBK
4.	MEKIĆ ASIM	SDA	Profesionalac u Domu naroda FBiH
5.	DEMIROVIĆ TAHIR	SDA	
6.	MUJIĆ MIRSAĐ	SDA	Profesionalac u Skupštini SBK
7.	GRANIĆ TAHIR (SELMAN SALKO premijer)	SDA	Profesionalac u Skupštini SBK
8.	MUMINOVIĆ SAMIR (MILANOVIĆ SEDŽAD ministar)	SDA	Neprofesionalac u Skupštini SBK
9.	KARIĆ MUNIR	SBiH	Neprofesionalac u Skupštini SBK
10.	ŽULJKO RASIM	SBiH	Neprofesionalac u Skupštini SBK
11.	HADŽIOSMANOVIĆ LAMIJA	SBiH	Neprofesionalac u Skupštini SBK
12.	GRIZIĆ SUVAD	SBiH	Neprofesionalac u Skupštini SBK
13.	MEKIĆ AZEM	SBiH	Profesionalac u Skupštini SBK
14.	DURIĆ DŽEMIL	SBiH	Neprofesionalac u Skupštini SBK
15.	KARALIĆ ADNANA	SBiH	Neprofesionalac u Skupštini SBK
16.	BATINIĆ MIRKO predsjedavajući	HDZ	Profesionalac u Skupštini SBK
17.	KUREVIJA RUDO	HDZ	Neprofesionalac u Skupštini SBK
18.	BRADARA LIDIJA	HDZ	Profesionalac u Domu naroda FBiH
19.	VIDOVIĆ RADOJE	HDZ	Profesionalac u Domu naroda FBiH
20.	RADIĆ ANICA	HDZ	Neprofesionalac u Skupštini SBK
21.	ŠANTIĆ LJUBAN (GOLUB BRANKO)	HDZ	Neprofesionalac u Skupštini SBK
22.	OSMIĆ EDINA	SDP	Neprofesionalac u Skupštini SBK
23.	SELIMOVIĆ SENAD	SDP	Profesionalac u Skupštini SBK
24.	SIMIĆ NIKOLA dopredsjedavajući, klub Srba (HELEZ NIJAZ)	SDP	Profesionalac u Skupštini SBK, Neprofesionalac u Domu naroda FBiH
25.	BOŠKOVIĆ JOSIP	HDZ 1990	Neprofesionalac u Skupštini SBK
26.	POCRNJA ZORAN	HDZ 1990	Neprofesionalac u Skupštini SBK
27.	BILIĆ ANTO	HDZ 1990	Profesionalac u Domu naroda FBiH
28.	MAMUŠA FRANJO-DEBA	HSP-NHI	Neprofesionalac u Skupštini SBK
29.	HEGEDIŠ DRAŽANA (LOZANČIĆ ANTO ministar)	HSP-NHI	Neprofesionalac u Skupštini SBK
30.	HOTIĆ NEZIR	NSRZB	Neprofesionalac u Skupštini SBK

Prema Odluci o broju profesionalnih poslanika u Skupštini SBK, pravo na profesionalni status ima 11 poslanika, 6 iz reda bošnjačkog naroda, 4 iz reda hrvatskog naroda i 1 iz reda srpskog.

“Profesionalci” u Skupštini SBK-a

1. Batinić Mirko
2. Poparić Refik
3. Simić Nikola
4. Mekić Azem
5. Hozan Edin

6. Selimović Senad
7. Muminović Samir
8. Mujić Mirsad

“Profesionalci” u Domu naroda FBiH

1. Mekić Asim
2. Bradara Lidija
3. Vidović Radoje
4. Bilić Anto

“Neprofesionalci” u Domu naroda FBiH

1. Simić Nikola

Prisustvo poslanika sjednicama Skupštine USK-a

	Poslanik	4	1 vanr.	2 van.	3 van.	5	6	7	Izostanci poslanika
9.	POPARIĆ REFIK, dopredsjedavajući	+	+	+	+	+	+	+	0
10.	CRNICA HALIMA	+	+	+	+	+	+	+	0
11.	HOZAN EDIN	+	+	+	+	+	+	+	0
12.	MEKIĆ ASIM	+	+	+	+	+	+	+	0
13.	DEMIROVIĆ TAHIR	+	+	+	+	+	+	+	0
14.	MUJIĆ MIRSAĐ	+	+	+	+	+	+	+	0
15.	GRANIĆ TAHIR (SELMAN SALKO, premijer)	/	/	+	+	+	+	+	0
16.	MUMINOVIĆ SAMIR (MILANOVIĆ SEDŽAD, ministar unutrašnjih poslova)	/	/	/	/	+	+	+	0
17.	KARIĆ MUNIR	+	+	+	+	+	+	+	0
18.	ŽULJKO RASIM	+	+	+	+	+	+	+	0
19.	HADŽIOSMANOVIĆ LAMIJA	+	+	+	+	+	+	+	0
20.	GRIŽIĆ SUVAD	+	+	+	-	+	+	-	2
21.	MEKIĆ AZEM	+	+	+	+	+	+	+	0
22.	DURIĆ DŽEMIL	+	+	+	+	+	+	+	0
23.	KARALIĆ ADNANA	+	+	+	+	+	+	+	0
24.	BATINIĆ MIRKO, predsjedavajući	+	+	+	+	+	+	+	0
25.	KUREVIJA RUDO	+	+	+	+	+	+	+	0
26.	BRADARA LIDIJA	+	+	+	+	+	+	+	0
27.	VIDOVIĆ RADOJE	+	+	+	+	+	+	+	0
28.	RADIĆ ANICA	+	+	-	+	+	+	+	1
29.	ŠANTIĆ LJUBAN (GOLUB BRANKO)	/	/	+	+	+	+	+	0
30.	OSMIĆ EDINA	+	+	+	+	+	+	+	0
31.	SELIMOVIĆ SENAD	+	+	+	+	+	+	+	0
32.	SIMIĆ NIKOLA, dopredsjedavajući (HELEZ NIJAZ)	/	/	+	+	+	+	+	0
33.	BOŠKOVIĆ JOSIP	+	+	+	+	+	+	+	0
34.	POCRNJA ZORAN	-	-	+	-	-	+	+	4
35.	BILIĆ ANTO	+	+	+	+	+	-	+	1
36.	MAMUŠA FRANJO-DEBA	+	+	+	+	+	+	+	0
37.	HEGEDIŠ DRAŽANA (LOZANČIĆ ANTO ministar)	/ (-)	/	/	/	+	+	+	1
38.	HOTIĆ NEZIR	+	+	+	+	+	+	+	0
	Izostanci po sjednicama	2	1	1	2	1	1	1	9

Napomena: U zagradi su poslanici koji su predali svoj mandat radi preuzimanja pozicije u izvršnoj vlasti ili sukoba interesa.

U 2007. godini je održana samo jedna redovna (2 prekinute nezavršene) i 3 vanredne sjednice Skupštine SBK-a.

Sjednicama Skupštine SBK redovno prisustvuju skoro svi poslanici, a kod izostanaka poslanika, zbog manjeg broja održanih sjednica, nema onih koji se ističu.

Najviše izostanaka ima dr. Zoran Pocrnja, ali opravdano, jer je bio na specijalizaciji.

ZAKLJUČCI

Skupština Srednjobosanskog kantona je prema svim relevantnim pokazateljima, najneefikasnija i najneodgovornija zakonodavna vlast u Bosni i Hercegovini.

Podatak da je održana samo jedna redovna sjednica i da su obrađene 24 tačke tokom 2007. godine, dovoljno govori o kvalitetu rada izabranih predstavnika u Skupštini Srednjobosanskog kantona.

U 365 dana 2007. godine, osim budžetskih dokumenata, Skupština SBK-a nije razmatrala nijedan značajniji zakonski akt, a čak ni program rada, iako je pripremljen od strane Stručne službe.

Poslanici Skupštine SBK se ne mogu dogovoriti ni oko dnevnih redova sjednica, ni oko procedure usvajanja određenih zakonskih akata (hitni ili redovan postupak), te je upitna svrsishodnost postojanja ovog organa vlasti, jer dosadašnjim radom ni na koji način nije služio građanima, već samo kao izvor određenih primanja izabranim predstavnicima.

Pored takvih pokazatelja, iluzorno je govoriti o posvećenosti rješavanja najprioritetnijih problema građana SBK-a i Bosne i Hercegovine, okupljenih u 12 zahtjeva iz Građanske platforme. Samo 17% tačaka koje je usvojila Skupština SBK ima suštinsku vezu sa zahtjevima iz GP.

Iz svega proizlazi da je nerealno očekivati da će Skupština Srednjobosanskog kantona, u skorije vrijeme, dati svoj pozitivan doprinos poboljšanju životnog standarda građana.

Odgovornost Vlade prema Skupštini je zadovoljavajuća, jer možemo konstatirati redovno prisustvo premijera, ali i ministara sjednicama Skupštine SBK-a i učešće u raspravama o određenim aktima kroz davanje dodatnih pojašnjenja.

Ažurnost u odgovaranju na poslanička pitanja i kvaliteta odgovora je prema poslanicima krajnje nezadovoljavajuća.

Najviše izostanaka bilježi poslanik dr. Zoran Pocrnja, ali opravdano jer je bio na specijalizaciji.

PREPORUKE

Skupština SBK-a mora početi pravdati svrhu svog postojanja, funkcionisati u skladu sa Poslovnikom i zakonima, te se odgovornije i aktivnije baviti donošenjem razvojnih planskih dokumenata sa akcentom na realizaciju zahtjeva Građanske platforme.

Skupština SBK, odnosno njen Kolegij, što prije treba pripremiti i usvojiti programa rada za 2008. godinu.

Potrebno je rad Skupštine SBK-a učiniti transparentnijim kroz emitovanje toka sjednica na kantonalnim radio stanicama, te osigurati Stručnoj službi Skupštine, predsjedniku i klubovima političkih partija e-mail adrese, kako bi se i na ovaj način poboljšao zaboravljeni kontakt sa građanima-biračima. Neophodna je uspostava službene web stranice Skupštine, radi kvalitetnijeg prezentovanja rada i usvojenih akata (uz kvantitativno i kvalitativno prenošenje informacija sa sjednica Skupštine), ali i zbog naprednijeg i jednostavnijeg komuniciranja sa građanima.

DODATAK 1 – GRAĐANSKA PLATFORMA

Od političkih stranaka i izabranih predstavnika očekujemo da s pažnjom razmotre preporuke i ciljeve iz "**Građanske platforme**" i među njima utvrde prioritet svoga budućeg djelovanja. Očekujemo da za svaki od ciljeva i preporuka iz **Građanske platforme** postoji konkretan način njihovog ostvarivanja kroz realne planove i programe.

Mi građani Srednjobosanskog kantona više nemamo vremena da budemo pasivni primatelji olako datih predizbornih obećanja i lažnih očekivanja. Dovedeni smo u današnje stanje bezperspektivnosti i gubitka svake nade da možemo biti akteri promjena za bolju budućnost našega društva. **Od izabranih predstavnika očekujemo veću posvećenost demokratskim reformama društva – ne samo na riječima, već i na djelu.** Zato od svih njih očekujemo da dosljedno i predano rade na ostvarivanju ciljeva i preporuka iz **Građanske platforme**.

Zahtijevamo da do 2010. godine:

- **BiH bude zemlja kandidat za članstvo u EU;**
- **Dodatnih 500.000 građana BiH ima primanja dnevno iznad 7 KM;**
- **Bude otvoreno novih 150.000 radnih mjesta u BiH;**
- **Minimalna penzija u BiH bude 250 KM;**
- **Svaki građanin u BiH ima pristup osnovnoj zdravstvenoj i socijalnoj zaštiti;**
- **Budu udvostručena strana ulaganja kroz transparentnu privatizaciju državnog kapitala putem berze;**
- **Rast cijene komunalnih usluga bude ispod nivoa godišnje stope inflacije, kroz privatizaciju javnih preduzeća ili kvalitetnije regulisanje infrastrukturnih sektora;**
- **Javna potrošnja u BiH bude usklađena sa regionalnim prosjekom od 40% u odnosu na GDP;**

- Bude okončana reforma sistema obrazovanja u BiH u skladu sa Bolonjskim procesom;
- Smanjenji se korupcija u BiH kroz rast prosječne ocjene na 3,5 na TI CPI indeksu;
- Poljoprivredni sektor u BiH bude u potpunosti prilagođen za intergaciju u EU;
- BiH bude zemlja jednakih mogućnosti za mlade ljude.

NAPOMENA: Godišnji izvještaj o monitoringu je kreiran na osnovu svih, javnosti dostupnih, podataka o radu Skupštine Srednjobosanskog kantona.